

# JUVLEHTIMMIE

SIEJHME NJOELKEDASSH

(Vuartesjh altere-gærjam nörjen gielesne.)

## 1 Bealloetjoeje

## 2 Preludijume

## 3 Saalme

Saalme maahta Aalkoe-baakoe mænngan läävlesovvedh.

## 4 Aalkoe-baakoe

Jupmele, mijjen Aehtjie jñh Åejvie Jeesus Kristuse, dijjine åårmege jñh dijjese raeffiem vada.

Daan biejjien edtjebe NN-em gávnahtidh jñh NN-em Jupmelen gietij sijse luejhtedh jñh kroeptese biejedh.

Nemhtie Jupmele eatnemem eahtseme guktie aajnehke baarniem vedtieji, juktie dah gñeh altasasse jaehkieh, eah galkh jaemedh vaallah ihkuven jielemem åadtjodh. Jåhh 3, 16

Dellie liturge maahta aktem daejstie bijbele-baakoyste lohkedh:

**A**

Båetede mov gåajkoe, gaajhkesh dijjieh gñeh löövles maajsoeh guedtieminie. Dijjem baajem liegkedidh. Meeht 11,28

**jallh B**

Jupmele jeahta: Tjåarvoeh munnjien neavrosne, dellie datnem lutnestem, jñh datne edtjh mannem earoehdidh. Saalm 50,15

## 5 Aalkoe-rohkelasse

Rohkelibie

**A**

ÅEJVIE, neavroste dutnjien tjårvoem.  
ÅEJVIE, govlh mov tjårvoehtassem!  
Goltelh mannem gosse aanohem!

Mejtie datne ÅEJVIE, sådtojde måjhtah,  
gie dellie maahta tjåadtjodh?  
Datne aanteges vadtah  
guktie datnem goltelibie.

ÅEJVIE, mov håhkoem, vuartam,  
tjohajem altese baakoeh govledh. Saalm 130,1-5

**Jallh B**

Jupmele, datne mijjen maadth-hiejme  
boelveste boelvide.  
Aerebe goh vaerieh sjidtin  
jih eatneme jih veartene sjugniedovvin,  
Jupmele lij.  
Jupmele ihkuvistie ihkuvasse.

Datne almetjem vihth mueltine darjoeh  
jih jeahtah: «Almetje, jarkosth aalkovasse!»  
Dov tjelmiej uvte tjuetie jaepieh vaesieh  
goh jååktetje biejjem  
goh jijje-våaroem.

Datne almetjiedie jaamedahtha.  
Dah Leah goh aeredes-niekedassh,  
goh kraesieh mah gajkalostoeh.

Bihkedh mijjem buejhkiehtidh,

man åenehks mijjen jieledede lea,  
guktie vijsies vaajmoem åadtjobe. Saalm 90,1-4.12

### Jallh C

Jupmielamme, Jupmielamme mannasinie mannem laahpeme?  
Hujnesne viehkien mietie tjåarvoem,  
datne jis dan guhkene manneste.  
Jupmielamme, biejjege tjåarvoem,  
ih vaestedh,  
jijjege tjåarvoem,  
im raeffiem gaavnh.

ÅEJVIE, aellieh guhkiem gaatoeh.  
Datne mov faamoe, skodth mannem viehkehth! Saalm 22,2-3.20

### Jallh D

Aejlies Jupmele, Elmien aehtjie, datne Leah jielemen jïh jaemedden reerije.  
Nænnosth mijjen jaahkoem gosse gieries almetjem juvlebe guktie  
dutnjien hâhkesjibie.  
Åejvie Jeesus Kristuse, stînkens Lutnjestæjja, gie mijjen gielhtie  
jaemiedistie jïh krupteste tjuedtjelih, årroeh mijjen luvnie gosse  
sealadibie jïh lutnjesth mijjem guktie åadtjobe Elmierïjhkese  
tjåanghkanidh dov gâajkoe jïh gaajhki dov voelpi gâajkoe.  
Aejlies Voejkene, mijjen Soelkedæjja jieliemisnie jïh jaemiemisnie,  
soelkedh gaajhkesidie gie h sorkeminie. Vaarjelh mijjem jaemiedistie jïh  
baajh mijjem Elmie-rijhken skaehtiem tjohtjedh.

### Jallh E

Åejvie, mijjen Jupmele, jielemen gaaltije dov luvnie,  
gosse datne tjuavka, tjoevkede sjædta.  
Datnine jielege, barkebe jïh årrobe.  
Vaarjelh mijjem jieliemisnie jïh jaemiemisnie dov gieriesvoetine  
dov Baernine, Jeesus Kristusnie, mijjen Åejvine.

### Jallh F

Giemhpes Jupmele, datne gie mijjese vuartesjh jñh mijjem damtah, årroeh mijjen luvnie dov soelkedassine.

## 6 Mojhtes

Åålmege maahta saalmem laavlodh jallh musihkem goltelidh.

## 7 Saalme jallh musihke

## 8 Lohkeme Aejlies gærjeste

Edtjede govledh mij Aejlies gærjesne tjaalasovveme jielemen jñh jaememen bijre, dåapmoen jñh mijjen håhkoen bijre maam Jeesus Kristuse vadteme.

Liturge jallh jeatjebh maehtieh lohkedh.

### *1. Teekstedåehkie*

**A**

Joben gærjesne, luhkieuktsede kapitelisnie naemhtie tjaalasovveme:

Daajram hov  
mov Lutniestæjja jeala  
jñh minngemes edtja eatnamisnie vååjnedidh.  
Gosse sealadamme,  
sijhtem Jupmelem vuejnedh.  
Jupmelem galkem vuejnedh  
jijtjene tjelmiejgujmie,  
ij ammes almetjen tjelmiejgujmie.  
Aejvieristie biejstenem. Job 19,25-27

**Jallh B**

Luhkiegålmeden Saalmesne naemhtie tjaalasovveme:

ÅEJVIE mov ryöjnesjæjja,  
im maam fååtesh.

Mannem baaja kruana såafosne liegkedidh  
jïh gaaltijasse vuesehte gusnie åadtjoem jovkedh.  
Orre jieledem munnjien vadta.  
Sov nommen gielhtie munnjien hijven baalkam vuesehte.

Jalhts jaemieh-aajmosne vaadtsam,  
im bahhasvoeteste billh  
juktie datne mannine.  
Dov klaahka jïh saejhtie mannem jaskehtieh.

Datne buertiem munnjien dealoeh  
mov vidtjie-nieri tjelmiej uvte.  
Mov åejjiem åljine bådtedh.  
Mov gåasem eevre deavhtah.

Ajve buerievoete jïh aarmoe  
mannem gaajhkide mov biejjide dåeriedieh  
jïh ÅEJVIEEN savkesne åadtjoem ihkuven årrodh. Saalm 23

### **Jalhh C**

Nieljieluhkiemubpie Saalmesne naemhtie tjaalasovveme:

Goh raentie tjaetsien mietie reevstie  
mov sealoe dov mietie tjohtjoe, mov Jupmele.

Mov sealoe Jupmelen mietie gajhkelåvva,  
jieleje Jupmelen mietie.  
Gåessie åadtjoem båtedh  
jïh dan uvte tjåadtjodh?

Mov giknjelh jïjhh biejjieh mov beapmoeh.  
Iktesth almetjh gihtjieh:  
«Gusnie bist dov Jupmele?»

Jupmele, datne mov gorredæjja.  
Mannasinie mannem ålkoestamme?  
Mannasinie edtjem sorkedh  
mearan vidtjie-nierh mannem norhtehtieh?

Vedtieh munnjien dov tjoevkem jïh saetniesvoetem!  
Baajh dejtie mannem vaedtsiehtidh  
dov aejlies vaaran jïh dov gåatan.

Mov vaajmoe, mannasinie stråarkan jïh sårkosne?  
Jaehkieh Jupmielasse!  
Åadtjoem ikth vielie altemse heevehtidh,  
mov gorredæjjam jïh mov Jupmelem. Saalm 42,2-4 jïh 43,2-3.5

**Jallh D**

....

*2. Teekstedåehkie*

.....

*3. Teekstedåehkie*

Naemhtie Aejlies gærjesne tjaalasovveme.

Dellie saalme maahta lååvlesovvedh

**9 Saalme**

**10 Håaloe**

# 11 Rohkelassh

Rohkelibie.

**A**

Ihkuve Jupmele, mijjen faasoe gosse sårkoen biejjieh bætieh, årroeh mijjen luvnie dov raeffine. Nænnosth mijjen jaahkoem. Vedtieh bætije biejjieh jîh håhkoem. Datnem gijhtebe NN-en åvteste jîh dan åvteste maam datne NN-ine vedtih. Åårmege Jupmele, dov gïetiej sïjse luejhtebe NN-em. Mijjem dov guelmesne sjugniedamme jîh Jeesus Kristusem vadteme. Lutnjesth mijjem ihkuve jieliemasse gosse dïhte biejjie båata.

**Jallh B**

Jeesus Kristuse, datne dåajvoehtamme mijjine aktene gaajhkide biejjide årrodh goske veartene nåhka. Åarroeh mijjen faamoe, soelke jîh tjoevkese. Vuesehth mijjese baalkam. Baajh mijjem jaehkoen gielhtie, jaemiedistie aavojne tjuedtjelih.

**Jallh C**

Ihkuve Jupmele, Elmien aehtjie, vedtieh mijjese jaememem håajhtodh dov Baernine, Jeesus Kristusinie. Rohkelibie: vaedtsehth mijjem dov Aejlies Voejkeninie guktie ollebe dov luvhtie tjaajenh, vaallah jaahkosne dov Baarnan jielebe jîh ihkuve jielemem jaksebe Jeesus Kristusinie, mijjen Åejvine.

**Jallh D**

Åejvie Jeesus Kristuse, datne gaajhkide mijjen sådtojde guadteme. Datnem gijhtebe dov gieresvoeten åvteste mij jaemiedistie veaksahkåbpoe. Vedtieh mijjese gorredimmiem maam datne vitneme gosse jeemih jîh jaemiedistie tjuedtjelih. Vaedtsehth mijjem dov veaksehks gïetine mijjen jieleme-biejjide jîh jaememen jîh dåapmoen baaktoe goske dov ihkuve aavoem jaksebe.

## Jallh E

Elmien Aehtjie, gijhtebe dan åvteste maam datne NN-ine vadteme gie daelie sealadamme. Nænnosth jih soelkehth gaajhkide giëh daelie sorkeminie. Faerhmesth mijjem. Viehkehth mijjem dov aktene jielehdh guktie maehetebe raefesne vuelkedh dov Baarnien, Jeesus Kristusen, mijjen Åejvien gielhtie.

## Jallh F

Sjiehteles rohkelasse mij sjeahta.

Dellie liturge jallh gaajhkesh maechieh „12 Dov giëtij sijse“ lohkedh.

## 12 Dov giëti sijse

Åejvie Jupmele, mov hiegekem dov giëti sijse laahpam.  
Åejvie, stinkes Jupmele, datne mannem gorredh.  
Åejvie Jupmele, mov hiegekem dov giëti sijse laahpam.  
Earoe Aahtjan, Baarnan jih Aejlies Voejkenasse.  
Åejvie Jupmele, mov hiegekem dov giëti sijse laahpam.

Simeonen heevehtimmie maahta aaj lohkesovvedh:

«Åejvie, baajh dellie dov deanerem  
raefesne vuelkedh guktie dåajvoehtih.  
Juktie mov tjelmieh gorredimmiem vuajneme  
maam datne almetjidie illeme,  
åavtoen tjoevkem ammes-jaahkoeladtjide  
jih hearlohkevoetem dov Jisrajelen almetjidie.» Luk 2,29-32

## 13 Mijjen aehtjie

Rohkelibie guktie Åejvie Jeesuse mijjem ööhpehtamme.

Åå | Mijjen Aehtjie guhte Leah Elmierijhkesne.  
Baajh dov nommem aejliestovvedh.  
Baajh dov rijhkem bætedh.  
Baajh dov syhtedem eatnamisnie sjidtedh



guktie Elmierijhkesne.  
Vedtieh mijjese daan biejjien  
mijjen fierhten beajjetje laejpiem.  
Luejhtieh mijjeste maam mijjeh meadteme  
guktie mijjeh luejhtebe  
dejstie guhth mijjese meadteme.  
Aellieh luejhtieh mijjem giehtjelimmiej sijse,  
vaallah vaarjelh mijjem bahheste.  
Juktie rijhke lea dov,  
faamoe jih earoe ihkuven aajkan. Aamen.

## 14 Saalme

## 15 Postludijume

# **KROEPTEN BEALESNE**

## **16 Saalme**

Akte daejstie teekstijste mij ij aerebe lohkesovveme, maahta lohkesovvedh.

## **17 Lohkeme**

Saalm 50,15  
Saalm 68,21  
Meeht 11,28  
Voel 1,17b-18

Saalm 23  
Saalm 121  
Meeh 28,1-10  
Voel 21,1-5a

Liturge maahta rohkelidh:

## **18 Rohkelasse kroepten bealesne**

**A**

Åejvie Jeesus Kristuse, baajh daam kroeptem hãhkoen tjoevkesne årrodh juktie jaehkebe datne jaemiedistie tjuedtjeli.

**Jallh B**

Åejvie Jeesus Kristuse, datne aaj kroeptese biejesovvi. Baajh mijjem goh datne jaemiedistie tjuedtjelidh.

**Jallh C**

Åejvie Jeesus Kristuse, baajh NN-em raeffesne åeredh goske gaajhkesh jaemiedistie tjuedtjelih. Viehkehth mijjem jieliemisnie jih jaemiemisnie dutnjien hãhkesjidh.

## 19 Gæstoe badtehtåvva

## 20 Multie gæstoen nille biejesåvva

Aehtjien, Baernien jìh Aejlies voejkenen nommesne.

Multeste Leah. Multine galkh sjìdtedh. Multeste galkh tjuedtjelidh.

## 21 Bijbielistie lohkeme jìh buerie-sjugniedimmie

A

Mijjen åejvie, Jeesuse Kristuse jeahta: "Manne tjuedtjelimmie jìh jieleme. Dìhte guhte munnjien jaahka, jeala jalhts jaama, jìh dìhte guhte jeala jìh munnjien jaahka, ij gæssie gænnah jaemieh." Jåhh 11,25-26

Jallh B

Earoe Jupmielasse, mijjen Åejvien, Jeesus Kristusen Aahtjan, gie altese stoere aarmojne mijjem orresistie reakadamme jielije håhkose Jeesus Kristusen tjuedtjelimmien gielhtie. 1. Pieh 1,3

Dåastode Jupmelen buerie-sjugniedassem.

Jupmele datnem bueriesjugnede jìh datnem vaarjele.

Jupmele jìjtse ååredæjjine dutnjien tjuavka jìh dutnjien åårmege orre.

Jupmele jìjtse ååredæjjine dov gåajkoe jarkoe jìh dutnjien raeffiem vadta!

## 22 Saalme